



10478

机械工程与

1958



明季南略



都城琉璃廠半
松居士排字本

自序

嗚呼有明自南渡以後。小朝廷事難言之矣。當時北都傾覆。海內震驚。卽薪膽彌厲。未知終始。乃馬阮之徒。猶賄賂公行。處堂自喜。不踰載而金甌盡缺。罪勝誅哉。唐藩起閩中。勢如危卵。而鄭氏以驕奢貪縱。轉之日與魯藩爲難。唇亡齒寒之義。謂何。桂藩立粵東。僻處海隅。一逼于成棟。再逼于三王。三逼于孫可望。遁走不常。舟居靡定。是時君不君。國不國矣。雖有瞿桂林畱守四載。無濟時艱。至于杜允和李定國輩。益難支矣。若成功煌言。出沒風濤。徒擾民耳。亦何益乎。歲辛亥仲夏。予編南略一書。始于甲申五月。止于康熙乙巳。凡二十餘年事。分十八卷。雖敘次不倫。見聞各異。而筆之所至。雅俗兼收。有明之微緒餘燼。皆畢于是矣。嗟嗟。禍亂之作。天之所以開皇清也。豈人力歟。爰是識數言于左。

康熙十年辛亥季冬八日乙酉。無錫計六奇題于社

烽王氏之書齋

明季南略目錄

錫山計六奇用賓編輯

卷一

南都甲乙紀

福王本末

五月紀

六月紀

七月紀

八月紀

九月紀

十月紀

十一月紀

十二月紀

明季南略

目錄

卷二

正月紀

二月紀

三月紀

四月紀

五月紀

卷三

議立福藩

福王登極

宏光詔書國政二十五款

會推陞擢

史可法請設四鎮

黃得功

劉澤清

劉良佐

高傑

劉宗周論時事

劉孔昭陵侮張慎言

路振飛王燮鎮撫淮安

卷四

馬士英特舉阮大鍼

黃澍劬擊馬上英背

黃澍論馬士英十大罪

黃澍辨疏

朱統鑣誣詆姜日廣

熊汝霖論異同恩怨

吳适陳維新五事

馬嘉植論立國本

賀世奇言慎刑罰

李謨奏明臣誼

陳子龍請廣忠益慎名器用賢勿二

明季南略

目錄

二

姜日廣論中旨

吳适請憂勤節愛

沈胤培請立中宮舉經筵定朝儀

章正宸論銓故

宋劭疏略

祁彪佳請革三弊政

袁彭年請革厥衛

陳子龍疏略

史可法請行徵辟

李清奏國用不足

張捷論民心國運

吏科奏計典

吳适奏日講午朝二事

游有倫奏國事淆亂

錢增請濬劉家河

史可法奏官多無益

吳适論雲霧山

萬元吉疆事疏

禦寇全疏

累朝闕典未行疏

請卹死節諸臣疏

卷五

南都公檄

臨海陳兩輝討賊檄

陳璧論賊必滅有

張獻忠雜志

李自成雜志

偽官

誅周鍾等

邊鎮諸將

顧錫疇請諭

開國諸臣諡

建文朝死難諸臣諡

正德朝死諫諸臣諡

明季南略

目錄

三

天啟朝死璫難臣諡

先後補諡

吳适叅駁

熊汝霖奏獻闖二賊

起劉同升等

考選科道

高宏圖乞歸

闖差

許都餘黨復亂

馬士英請納銀

五陵注略

新殿推恩

朝政濁亂昏注

卷六

先帝諡號

追尊帝后

封常應俊

太后至自河南

太子一案

北太子一案

三皇子一案

太子雜志

童如一案

大悲僧假稱楚王

詔選淑女

三案要典逆案重翻

災異

吳迺下獄

遷都召對

馬士英答驛報

馬士英奔浙

趙監生立太子

宋蕙湘題壁

明季南略

目錄

卷七

四

高傑論保江南

陳子龍募練水師

張亮奏邊防

章正宸論時事

熊汝霖論四鎮

蔣芬請勤干

王孫蕃論東南形勢

李向中諫楚省安危

王應熊請節楚鄖貴廣

黃耳鼎劾解學龍張縉彥

朱國弼劾路振飛

左良玉參馬士英八罪

又討馬士英檄

又檄

左兵東下

高傑遺書大清肅王書

肅王報書

許定國殺高傑

張縉彥薦卜從善

史可法請餉

史可法請恢復

大清攝政王致史可法書

史可法答書

史可法奏和議不成

史可法求退

史可法論軍資

史可法奏泗州將

史可法北征疏

卷八

北事

複臣左懋第殉節

凌駟自縊于濟館

議禦北丘

明季南略

目錄

五

史可法揚州殉節

卷九

宏光出奔

豫王渡江入城

南都殉節諸臣

冀廷祥沈水死

華允誠不跪死

徐汧沈虎邱後溪死

孫源文哭死

嚴紹賢同妾縊死

馬純仁囊石沈河死

王域大罵不屈死

夏允彝赴池水死

眭明永不屈

顧所受投泮池死

李待問章簡被殺

徐澤自縊死

項志甯扼吭死

董元哲痛哭死

石生及賣扇歐姓投池水

賣柴鄉民躍入河死

著鳥與縊死

賈愛人自經死

許烈婦支解死

張氏賦詩投江死

遯跡諸臣

起義諸臣

閻陳二公守江陰城

侯炯曾守嘉定城

黃淳耀淵耀守禦嘉定城

朱集璜起兵守崑山

金聲江天一起兵守績溪

盧象觀謀攻宜興城

吳應箕起兵池州

明季南略

目錄

六

黃毓禛起兵行塘

王謀驅市人起義死

吳易起兵屯長白蕩

文秉通吳易不辨

劉曙就義

魯之瑛韋武韜戰死

麻三衡七家軍

吳福之徐安遠起義死

張龍文鄉兵薄城

錢棟破家起義

徐石麒主盟

徐爾毅被執無撓詞

顧感正坐吳勝兆事死

陳子龍誓眾稱監軍

楊廷樞坐戴之雋事死

黃賡為僧

許生偽試事取死

潞王出降

祁彪佳赴池死

高宏圖不食死

劉宗周絕粒死

王毓著赴柳橋河死

潘集袖石沈河死

周卜年躍入海死

王思任請斬馬士英疏

又上士英書

魯王監國

賜張國維尙方劍

浙閩水火

封諸臣

王之仁請嚴

明季南略

目錄

七

方國安夜走紹興

浙師潰散

大清兵渡錢唐江

余煌赴水

張國維赴圍池死

王之仁見殺

陳函輝自縊死節

陳潛夫闔室沈河

朱大典闔門焚死

張鵬翼見殺

王瑞旃自縊

鄉飲堯過江

葉向高飲藥痛罵死

諸臣殉難

錢肅樂入海

張名振題詩金山

大清部院郎廷佐致明帥張煌言書

張煌言復書

張煌言臨難賦絕命詞

卷十一

閩記

唐王始末

文武諸臣

鄭芝龍議戰守

殺靖江王

鄭芝龍議助餉人

曾后入閩

鄭森入侍

刑罰用舍

築壇遣將

張肯堂請襲金陵

隆武駐建甯

殺魯王使陳謙

明季南略

目錄

華廷獻論浙閩事

進講

開科

鄭芝龍拜表即行

大清兵從容過嶺

馬阮方蘇降

大清殺馬阮方四人

隆武奔嶺

隆武遇害

蔣德璟絕食死

曹學佺馬思理自經

黃道周不屈

鄭為虹黃大鵬噴血大罵

傅冠不屈

鄭芝豹閉城索餉

鄭芝龍降

鄭成功入鎮江

鄭廷佐大敗鄭成功

臺灣復版

鄭鳴駿傾心投誠

擒斬海賊

廈門大捷

曾樓自縊

卷十二

粵記

永明王始末

廣州立紹武

萬元吉固守贛州

永歷移梧州

王坤擅改諸臣

辜朝薦獻策下廣

李綺叅丁魁楚

永歷奔西峽

明季南略

目錄

九

丁魁楚

沐天波激變土司

沐天波調沙亭洲

沙亭洲襲沐天波

孫可望入滇

永歷至梧州

永歷抵桂林

李成棟斬丁魁楚

瞿式帮留守桂林

永歷至武岡

張家玉沈江

永歷入粵西

三宮至南甯府

張獻忠亂蜀本末

鄧獻珂起兵

卷十三

永厯在桂林

永厯走平樂

瞿式耜復守桂林

永厯駐南甯

皇子生

土官陞授

李成棟歸明

羣臣復出仕

章服錯亂

兩粵復全

朱天麟邀相

陳邦傳畱永厯潯州

張立光受賄換勅

晏日曙四臣殞身蛇廟

葉子眉朝歌逆旅題

永厯再入肇慶

李成棟出師

朝臣媚李元胤

明季南略

目錄

十

李成棟庚闕初敗

陳邦傳圍南甯

賈士奇辱施召徵

吳其濡肖道

朱容藩僭亂未

武岡播遷始末

雷雨風雹

李成棟駐軍信豐

科道擊陳邦傳

科道散朝

何騰蛟死難

李成棟信豐再敗

金聲桓赴水

姜曰廣賦詩殉節

假山圖五虎號

賀全業出獄

瞿式耜兼督各省

卷十四

堵胤錫始末

堵牧遊與姪書

縱甲泣

孫可望請封王

孫可望督封謀本末

巡按錢邦芑招孫可望書

逼袁彭年守制

舉朝醉夢

永歷騎射

桂林民力窮極

福建盡失

卷十五

永歷至梧州

瞿式耜諫勿濫刑

明季南略

目錄

十一

永歷中秋坐水殿

杜允和固守羊城

羊城崩陷

瞿式耜殉節

臨難遺表

張同敞殉節

張同敞自訣詩

全堡上孔定南王書

鄭之珣傳

鄉城異域

袁彭年獻金

黃工俊鹿髮

永歷榕江西奔

永歷再上南甯

永歷在南甯

孫可望入南甯

嚴起恒被難

何辜燬滅

貞女絕命詩

卷十六

安龍紀事

饒邦芭祝髮記

孫可望犯闕敗逃本末

卷十七

孫李構隙本末

續孫可望歸雲貴事

吳三桂兵取雲南

卷十八

餘紀

明季南略

目錄

三

投誠安插

楚蜀會勦

楚師全勝

楚師堵勦

房保蕩平

擒獲偽王

擒獲郝逆

洪承疇行狀摘略

明季南畧卷之一

錫山計六奇用賓編輯

南都甲乙紀

福王本末

福嗣王諱由崧神宗之孫光宗之姪思宗之兄也。建號宏光。已酉南都陷。北奔浙東魯藩監國。諡爲報皇帝。及閩中唐王立。遙上尊號爲聖安皇帝。永明王立。諡爲安宗簡皇帝。而我朝則削其年號。止稱福藩而已。王之父諱常洵。鄭貴妃所出。神宗第二子。萬曆四

明季南畧

卷之一

一

十二年封藩河南府。崇禎十有四年正月。流賊李自成破河南。福王遇害。世子踰城。免十七年二月初三日。王戊懷慶府。夜變。同母鄒氏走出東門。棄母兵間。狼狽走衛輝府。依潞王。

紀云。福藩後奏王寶實係無存。蓋爲世子時自竊以送賊者。王本末

甲乙史云。三月。福周潞崇四王各棄藩南走。此初四日也。十八日。寓淮安湖嘴。杜光紹園二十九日。淮上始傳京師陷。四月二十七日。百司公啟迎王於儀真。

三十日南京諸臣見王于舟次。

五月紀

初一戊子朔。王自三山門登陸。至孝陵。乘馬從西門入。

初二己丑。諸臣謁王于行宮。

初三庚寅。百官朝服。王行告天禮。祝文飄入雲霄。衆以爲異。魏國公徐宏基進監國之寶。

初五壬辰。以張應元爲承天總兵。

初六癸巳。河北山東府州縣各殺賊。所署僞官咸稱。

明季南畧

卷之一

二

起義。居庸巡撫何謙自北亾命過德州。濟王畱之共事。尋送之南行。臨清舖商畱閣部監紀凌駟起義。舊侍郎張鳳翔亦起義。東冒。

初七甲午。史可法議防江。設水師五萬。添二鎮將。畫

地分守。仍以文臣操江協事。衡王殺僞官于青

州。成國勲衛宋元官浦口。渡江自言。維塘夫出

京來者。揚士聰家眷出北城門。生方六猷以家

丁護送。大猷。薊州監軍。隨吳三桂降。

大清令守通州也。

初八乙未江南撫鄭瑄奏報江北劉澤清兵連騎數十萬皆欲渡江。三吳百姓呼吸變亂。臣駐師于江。遣書高劉二帥不肯止兵。請勅操江武臣速援京口。鳳陽叅將戈士凱報澤清兵沿途殺劫。逼攻臨清。勅御史祁彪佳等分行安撫。楚督袁繼咸請入覲止之。起劉宗周左都御史。

初九丙申瑞王避兵入重慶奏聞。初十丁酉楚撫何志堅奏鄂岳恢復。方國安冒功混報。又奏左良玉復德隨。戶科羅萬象劾方孔炤。

明季南畧 卷之一

屯撫河北寇至踉蹌遁歸。又蒙面補官。

十一戊戌奠安帝后御容。遣太監韓贊周盧九德行禮。奠安二祖御容。遣魏國公徐宏基。安遠侯柳祚昌等行禮。尚書張慎言陳十議。命趙光遠鎮守四川。貴省民何兆仰作亂。吳中士民焚掠。仕賊官項煜錢位坤宋學顯湯有慶四家。羣臣三次勸進。

十二己亥史可法請增文武重臣經理招討。濟寧鄉官潘士良縛回兵入城。殺偽將僞道兵回。楊科

奏潘爲總河而自爲總兵

十五壬寅王卽帝位于武英殿詔以明年爲宏光元年。仕賊臣項煜自北逃歸混入朝班。

十六癸卯故御史汪承詔自言僞政府點用堅拒南奔。命馬士英掌兵部仍入直佐理。史可法自請督師江北以避士英。

十七甲辰僞將劉暴隨僞鎮董學禮出撫勅五道送高傑黃得功劉伊盛劉肇基徐大受得功執以聞。十八乙巳史可法辭朝。通政劉士禎請嚴封駁參

明季南畧 卷之一

四

治之令時行宮前章奏雜投御史朱國昌亦言班制宜肅。祭先恭王太妃于行宮。進封黃得功左良玉爲侯。高傑劉澤清劉。佐爲伯。史可法請發銅甲銅鍋倭刀團牌紅。砲併色絹白布一應軍需詣戶部卽給。

十九丙午史可法請以劉肇基于永綬李樓鳳卜從善金聲桓隨征俱隸標下。馬士英奏大計四款。一聖母流離可密諭高傑部下將衛迎。一皇考追尊位號遷梓宮南來一皇子未生卽勅慎選淑女。

一諸藩失國恐有奸宄挾之不利社稷宜迎置京師。

二十丁未劉孔昭言封疆失守各官不在逆案之例

吏部毋得混推

二十一戊申禮部請補厯官

二十二己酉令應天府祈雨

二十三庚戌早朝畢劉孔昭大罵張慎言欲逐去之

二十五壬子淮撫路振飛頒登極詔書國政二十五

款于民間常熟士民焚掠仕賊官時敏家三代

明季南畧

卷之一

五

四棺俱劈燬

二十七甲寅命部司清查十七年練餉盡數起解明年全免

年全免

二十八乙卯馬士英奏吳三桂之捷命封薊國公世

襲戶部發銀五萬兩米十萬担責令沈廷揚送與

之御史陳良弼言科臣李沾荐人調停從來誤

國宿套張慎言上疏求去侍郎賀世壽言今

日更化善治莫若肅紀綱而慎刑賞口頭報國河

上擁兵恩數已盈功名不立人主輕此名器矣至

于草澤語難實繁有徒。未見兵勇殺賊。但見兵來虐民。小民不恨賊而恨兵。甘心含順而從逆。不肖有司。日刑剝其民。而求爲保障。必不可得。

二十九丙辰。御史朱國昌論山東督撫邱祖德輕棄地方。以陳子壯爲禮部尚書。徐併吳偉業少詹管紹甯詹事。陳盟右庶子。

文震亨實錄云。初三日。傳百官止服青錦繡朝拜。百官以監國典禮重大。俱朝服禮畢。卽以張慎言爲吏部尚書。傅旨會推閣員。疏上。先用史

可法進東閣大學士。兼兵部尚書如故。高宏圖禮部尚書。進東閣大學士。卽入閣辦事。召工部侍郎周堪。廣爲戶部尚書。馬士英進東閣大學士。兼兵部尚書。右都御史。總督鳳陽如故。姜曰廣。王鐸俱進東閣大學士。

六月紀

初一丁巳。朔。大學士高宏圖請暫輟閣務。督收漕糧。江上許之。禁訛言。匿名揭帖。允馬士英言。准揚增兵三萬。上大行皇帝尊諡曰烈皇帝。廟號思

宗皇后尊諡曰烈皇后。

初二戊午命鑄金璽代玉。前巡撫王永祚遵旨就

逮下刑部。命轉送王干

初三己未。舊大學士蔣德璟北歸。奏賀。尚書張國維

在途入賀。德安王僑居廣陵。

初四庚申。夏允彛余颺殿錫命。文德翼補吏部郎。

初五辛酉。馬士英奏北信誅僞功。命加黎玉田兵部

尚書。盧世灌太僕卿。舊輔謝陞上相國。時訛傳謝

陞為謝陞也。

明季南畧卷之一

七

初六壬戌。起錢謙益為禮部尚書協理詹事。杜宏

域提督大教場。楊振宗安慶總兵。馬士英荐

逆案阮大鍼。命來京陛見。

初七癸亥。趙光遠提督川陝。工科李清疏請隘陶

安方孝孺及蔣欽李應昇等從之。

初八甲子。史可法奏揚州悍民慘殺鄉紳鄭元勳。

吉王子慈燿報吉王播遷而薨。命護送潞王于

杭州。工部尚書程註致仕。命逮治從逆諸臣

光時亨周鍾等。

初九乙丑劉澤清高傑等公舉陳洪範仍以原官駐
瓜州泰興原任侍郎吳履中自理惠王寓于
肇慶

初十丙寅張慎言致仕侍郎張有譽到任禮部
請立中官詔以國讎未報不許馬士英荐起張
捷

十三己巳魯王泊舟京口請附京簡僻地方安頓

顧錫疇言大祀莫如郊社合祀分祀後先互異但
議禮于今物力告匱當刪繁就簡稟從高皇合祀

明季南畧卷之一

八

之制爲便

十四庚午御史朱國昌劾在逃巡撫郭景昌泊舟清

涼門外欺飾辯疏且論撫楚撫晉種種惡孽命御
史驅逐釋高牆罪宗前唐王聿鍵等七十五案

凡三百四十一人
十五辛未蜀王告急戶科羅萬象奏驚見內員催

征先是命太監王肇基督催閩浙金花銀肇基名
坤卽崇禎時肆惡于淮揚者高宏圖以方爭阮大
鍼事不便執奏請身往督催因過肇基言之肇基

悟卽上疏辭止

十六壬申詹事管紹甯請遴內閣誥勅房官各以賞
納授

十七癸酉呂大器引疾去顧錫疇署吏部印詹兆
恒進欽定逆案

十八甲戌蔣德璟疏辭內召

十九乙亥舊兵部侍郎徐人龍自請除用

二十一丁丑左懋第疏請北行

二十三己卯趙之龍糾高宏圖議思宗廟號之失請

明季南畧卷之一

九

改正詔仍舊黃澍奏王聚奎棄數千里之地逃

回至省惟日催贓罰

二十五辛巳詔迎母后鄒氏

二十六壬午史可法奏報揚州已安特獎慰之何

楷戶右侍郎程世昌僉都撫應天呂大器辭朝

奏謝論以挑激二字勿言通政使劉士楨參監

生薛濬源爲兄奏辨詞牽國本三案祁彪佳請

留漕米十萬担貯鎮江巡按御史王燮奏皇太

子定王永王俱遇害卽以燮爲都察院右僉都巡

撫山東

二十九乙酉給募兵御史陳蓋令字牌

七月紀

初一丙戌選郎倪嘉慶改戶科命魯王暫駐處州

崇王處台州命選淨身男子

初二丁亥起張采儀制主事陳龍正祠祭員外郎

舊輔孔貞運卒

初三戊子追尊皇考福恭王為恭皇帝妣姚氏為皇

太后

明季南畧卷之一

十

初五庚寅命考選科道中行評博推知各減俸行取

知縣楊文聰自薦邊材馬士英甥婿也左懋第

經理河北關東軍務馬紹瑜為太常寺少卿加陳

洪範太子大保齎白金十萬兩金千萬緞絹萬匹

偕使

大清

初六辛卯蔣德璟獻中興三策上嘉納之疏辭召用

加恩禮子歸高宏圖姜曰廣奉旨迎太后

初七壬辰惠桂二王駐廣西魯潞周崇四王駐浙東

初八癸巳。劉之渤僉都撫四川。范鏞僉都撫貴州。御史米壽圖按四川。禮部尚書顧錫疇請諡文震子姚希孟羅喻義呂維祺。又請削溫體仁諡從之。

初九甲午。發十萬米給山東撫鎮。定從逆諸臣六等罪。

十三戊戌。撫甯侯朱國弼以不預會推冢。臣疏爭。非制。上諭出何會典。

十四己亥。魏國公徐宏基。撫甯侯朱國弼。安遠侯柳明季。南畧。卷之一

十一

祚昌靈璧侯湯國祚。忭城伯趙之龍。東甯伯焦夢熊。南和伯方一元。誠意伯劉孔昭。成安伯郭祚永。各進綵緞恭賀。上命該衙門察收。

十五庚子。上誕日。百官朝賀。駕出內官監。服黃袍。十六校尉抬棕轎。進坐武英殿。文武朝見慶賀畢。仍回內官監。以開封推官陳潛夫爲御史。巡按河南。改黔督爲撫。設川黔雲廣總督鎮荆襄。

十六辛丑。吏部尚書徐石麒到任。朱國弼。劉孔昭。條陳新政。一吏部用人。必熟臣商確。一各部行政。

必勳臣面定一皇上圖治必勳臣召對。兵科陳子龍糾莊應會督漕狼籍

三十乙巳用御史鄭友元言削奪溫體仁周延儒薛國觀官衙廕子以爲作姦不忠之戒。

二十三戊申朱國弼劉孔昭各請增設家丁營將。祈戶部給糧

二十四己酉劉孔昭荐舉循良卓異內有馮大任卽戶科所參賊私狼戾者

二十六辛亥盡釋高牆罪宗爲庶人。命經筵擇言。明季南畧卷之一

錢謙益管紹甯陳監充講官。蘇按周一敬請表故舉人張世偉顧雲鴻學行以風世詒可。是月萬元吉奏

大清兵南征

八月紀

初一丙辰朔日有食之。命錦衣馬可宗遣役緝事

初二丁巳親祀孔子

初三戊午以楊鶚爲兵侍郎總督貴州湖廣廣西易應昌協院副都御史王延坦管紹甯禮部左右侍

郎

初四己未賀世壽總督倉塲。

初五庚申吏部尙書徐石麒推舉朱大典王永吉有旨永吉身任督師致北都淪陷朱大典贓私狼籍先帝嚴追未給何得朦朧推舉士英以賄不至故擬旨切責尋賄至而擢用無碍

初六辛酉加翼戴新恩史可法少保馬士英太子少師高宏圖姜曰廣王鐸太子少保起丁魁楚兵部侍郎僉都巡撫承襲

明季南畧

卷之一

三

初八癸亥諭戶兵部向差內官催省直軍餉并內庫錢糧因輔臣高宏圖科臣羅萬象諫止今需用甚急該部再嚴催限八月全完

初九甲子李遠加職方司銜沈胤培太常少卿徐一范鴻臚卿張鼐忠陷成都蜀王遇害

初十乙丑侍郎管紹甯疏請遣使告先帝后梓宮訪問東宮二王消息

十一丙寅長安街編粘匿名謗帖指謗吳牲劉宗周皆李沾所爲

十三戊辰太后至自河南自儀鳳門入遣靈壁侯湯國祚告于南郊。

十六辛未袁樞郭正申爲充東西道兵備

十七壬申越其傑巡撫河南其傑罷閒家金陵以馬

士英妹夫起

朱之臣刑部練國事兵部劉士楨

工部各侍郎文安之詹事樊一衡總督川陝凌駟

東昌兵備

十九甲戌周王准于蘇州城外寄居。劉孔昭請操

營額餉著常州府解

明季南畧

卷之一

十四

二十乙亥太監孫象賢自北來歸。溫旨畱用。命吏

部察廢員及舉貢監生才品堪用願効力危疆者

考選二三十名咨發督輔軍前以補地方缺官。

二十一丙子內批張捷補吏部左侍郎。由勳臣荐

下項煜于獄。逮周鑣陳以謙等。贈吳三桂父吳勳

遼國公

二十三戊寅進士王曰俞請褒諸生許玳玳長洲人

二十四己卯贈李邦華少保廕子。高宏圖何應瑞

合詞請正永吉允之。

二十五庚辰。王心一左部右侍郎。高倬刑部左侍郎。王榮右通政。馬兆羲禮部。成勇福建道。通政使。劉士禎因病求去。大監盧九德請營制鐵糧。命選淑女及內員。廷臣交章諫不聽。二十六辛巳。賜北京殉節大學士范景文。戶部尚書倪元璐。左都御史李邦華等二十二人贈諡祭葬。有差。

二十七壬午。姚思孝大理少卿。史科章正宸言內批用張捷非制。有旨前解學龍荐葉廷秀。亦徑批

明季兩畧卷之一

五

陞何以寂無一言。

二十八癸未。故輔王應熊改兵部尚書。總督雲貴川湖軍務。賜蟒劍。申紹芳督餉侍郎。王志道沈猶龍戶兵右侍郎。郭維經右僉都。封鄭芝龍爲南安伯。命侍文武官荐舉。禁非言官而上疏者。

二十九甲申。禮科袁彭年言偽吏政侍郎。諭上猷將荆州紳衿開薦江陵舉人陳萬策。季開先在所薦中不受偽檄。萬策自經。開先觸牆死。考選推知胡時亨吳道等擬授科道部屬等官。

三十七乙酉中旨以阮大鍼爲兵部右侍郎巡閱江防。劉宗周劾奏不聽。

大清遣將楊萬興下濟甯

九月紀

九月丙戌朔馮起綸福建布政使孫朝讓按察使。瞿式耜應天府丞蕭士瑋光祿少卿。命王楊基李乾德各帶罪往王應熊軍前理餉。追理桃紅壩功。奪張倫優賞。加田仰兵部尚書錦衣指揮世蔭。禮科張希夏請停荐舉倖門。太監蘇養性請自

明季南畧

卷之一

六

往催金花逋欠。太監李承芳催發年例公費。

初二丁亥丙批蔣鳴士梁應奇補科。鄭瑜秦鏞補道。

黃得功趨揚州高傑以兵襲儀徵。論史可法

清在河北賊在河南。大兵繼渡或亦未便徐宿之

師直抵汴梁。禦寇防河尙可兼顧海甯歸德去寇

尙遠大兵前行當抵何處兵由楚豫餉就江淮則

勢分道遠東事如急能否四應詳酌緩急以爲進

取。

初三戊子高宏圖請開館修史。賜北京殉難文臣

二十一人勳臣二人。戚臣一人。諡先後補予開國諸臣。諡建文死難諸臣。諡正德朝死諫諸臣。諡天啟朝死璫難諸臣。諡廣西巡撫方震孺言狼兵善火器藥弩以副將朱之胤統千人人衛。

初四己丑。內旨授福建副使郭之司爲詹事。馬士英奏補張成禮都督僉事。山東河北總兵高傑請瓜州泰興邵伯鹽稅助軍。纂修玉牒。

初五庚寅。諭通政司。凡故官子孫陳乞不許封進。

初六辛卯。上始御經筵。柳祚昌乞侍經筵。命驅逐。

明季南畧卷之一

七

黃正賓。命撰起居注。

初七壬辰。高宏圖請設起居注。補蔭故侍郎沈子才一子入監。責左光先濫荐多人。必賄囑著從。

重議處。裁各省右布政使。

初八癸巳。劉若金通政司參議。史可法請督餉。萬。

元吉專駐揚州。逮御史黃澍不至。命修思宗。

實錄。

初九甲午。輔臣姜曰廣致仕回籍。侍郎練國事阮。

大鍼見朝。徐之坦補御史。余賜文選主事。左。

都御史劉宗周罷

初十乙未鄖陽守臣朱勗辨自稱孤城抗賊其子嘗
洪捐生命優叙。總兵黃斌卿駐九江鄭鴻逵駐
鎮江黃蜚駐采石。

十一丙申淮安生員談正逢自陳守淮功求叙不許。
子故輔何如寵諡文端。

十二丁酉考功郎梁羽明自言昔日維邳冊封著准
其優叙。王之綱爲盪寇將軍河南總兵官。

十四己亥柯楷戶部左侍郎。

明季南畧

卷之一

六

十六辛丑內閣題補中書多人。王灤石僉都巡撫

登萊江東。太監袁昇請催各鈔關稅銀。遣行

人洪維幹催督錢糧。牟文綬總兵荊州。移黃

得功駐廬州高傑駐徐州。

十七壬寅葉重華廣西按察使。陸朗復訐冢臣說

誑

十八癸卯吏部章正宸大理丞。錄梅殷後一人爲

散騎。召降賊劉僑補錦衣。命劉泌宣諭西蜀

卽雷王應熊軍前贊畫。越其杰奏訓餽銀。給

楚藩朱華業空名札一百。令王允成鎮岳州。

十九甲辰。曹勛詹事。程正揆右諭德。黃道周禮部

尚書協理詹事。陳盟謝德溥並侍郎詹事。馬士

英奏張亮永城戰功。劉澤清荐張鳳翔李棲鳳

可預重兵之選。馬士英奏童生輸銀免府縣試。

二十乙巳。命鄉官與監生齊民較田多寡一體當差

不得擅立官戶。

二十一丙午。萬元吉還罔寺。命黃得功劉良佐合

兵駐鳳壽。

明季南畧卷之一

十九

二十二丁未。宗敦一。張鼎廷左右。通政周汝璣福建

左布政。加何騰蛟兼撫湖北。催范鏞楊鶚越其

傑赴任。奉化布衣方翼明直言政所克終。著送

刑部問罪。稱皇考福恭王陵曰熙陵。開佐工

事例。

二十三戊申。命鴻臚官宣諭高宏圖入直。楊文驄京

口監軍。加左良玉太子太傅。鄭鴻逵黃蜚黃

斌卿各請戰船月餉。

二十四己酉。懷遠侯常延齡子一子文蔭入監。撫

甯侯朱國弼進爵保國公 張鳳翔添設兵部右

侍郎 給越其傑餉銀十萬兩

二十五庚戌議恭皇帝建特廟 再賞定策功加李

沾左都御史沾因奏呂大器當日沮難革職逮問

二十六辛亥太監谷國珍奏要知府總兵而下悉行

屬禮 停宗室換授

二十七壬子都督黃友義領黃河水師金聲桓改豫

楚援勦 以李成棟鎮守徐州 再命刑部逮問

黃澍亦不至

明季南畧 卷之一

二

二十八癸丑起葛寅亮太常卿 諭北京舊官南來

吏兵部報名量用 劉安行僉都提督浙直市舶

屯田劉若金提督閩廣屯舶兼珠池海防

二十九甲寅給駙馬齋贊元千金 張捷條陳數事

上獎之 御史黃耳鼎初奉差陝西巡撫不肯到

任因馬士英見朝復班自言無路入秦已而例轉

遂疏昔之按秦陳演陷臣不測今之外轉徐石麒

朋謀暗害 又奏劉宗周妄議從逆有旨宗周持

論孟浪著察明

大清世祖章皇帝順治元年定鼎燕京

十月乙卯朔吏部尚書徐石麒罷馬士英欲用張捷使陸朗黃耳鼎連疏詆之遂致仕去捷因署部事周延儒子奕封乞恩免賍馬士英擬言奕封赦免罪輔賄係親弟正儀指騙正儀既故未完賍六萬著于汪曙名下追入曙係徽商最富士英先年假貸不應故恨之也

初二丙辰禁諸臣酬接宴會馬士英阮大鉞劉孔昭明季南畧

卷之一

三

朱國弼仍每夕釀飲為常起梁雲構添設兵部右侍郎錢元憲太僕少卿百戶魏棟等自言扈衛勞各陞一級淮漕米土納每担加尖一斗二升

初三丁巳命鑄宏光錢

初四戊午應天府尹臚旱減吳昌時賍銀十之五

錦衣馮可宗捕得江陰知孫行賄王李沾者馬士英為之請詔勿問馬士英欲起用蔡奕琛楊維垣恐物論不容乃趨一大諒荐之荐詞有魁壘

男子語爽琛不喜屢言于朝曰我自宜錄用何藉
某之荐贖誚我聞者鄙笑之

初五己未張孫振補四川道御史

初七辛酉遣內官孫元德往浙直閩三處催金花段

價一應年額商闕稅銀兩浙鹽儲隨解。賜北京

死節太監王承思等九人。贈諡祭葬子蔭有差。

命于杭州選淑女。

初八壬戌劉澤清舉用文臣黃國琦。

初十甲子楚撫何騰蛟加兵部右侍郎。抄沒家一

明季南畧卷之一

三

馮家私 鳳陽地震丙寅再震

十一乙丑戶科陸朗論徐石麒貪邪即王思任為趙

之龍所荐何得擅寘察中。

十三丁卯張捷題授中書多人又題監紀通劍推官

多人 張有譽言御用需迫請差內員各處催征

十四戊辰令崇王次子煥寓温州

十五己巳南和伯方一元槩為賊戮諸公侯伯十五

人請卹 昭磨張明弼奏周鍾險惡 何備兼工

部左侍郎

十六庚午職方楊文驄請宏佛教以扶王化 監生

蔣佐上累朝實錄

十七辛未戴英補兵科給事中張采精膳員外郎

刑科梁某奏周仲連卑污無耻命提問御史鄭泰

李喬素著清能復官蓋仲連于賊入京時削髮潛

遁不受偽辱而喬則在疆棄城嚴逮逃匿者

十八壬申張捷陞吏部尚書彭遇慶改御史遇颺敢

爲大言謂馬士英曰岳飛言大誤文官若不愛錢

高爵厚祿何以勸人武臣必惜死養其身以有待

明季南畧

卷之一

三

十九癸酉丁魁楚總督兩廣管紹甯請子行人謝

于宣祭葬蓋被賊迫賊夾死者

二十一乙亥張秉貞巡撫浙江勅王永吉駐徐州

戚臣李誠臣奏要典始末

二十二丙子停冬至郊祀頒戶部印單給州縣實填

贖銀

二十三丁丑解學龍刑部尚書陳盟吏部右侍郎楊

維垣通政使阮大鍼奏雷縉祚不忠不孝下法

司嚴訊河南勸農尚書丁啟睿罷

二十四戊寅御史霍達巡漕 命停今年央因

二十五己卯張鳳翔復尙書管侍郎事

二十六庚辰復以黃耳鼎為御史

二十七辛巳鴻臚寺少卿高夢箕北來復任謝恩

二十八壬午贈故祭酒許士柔詹事士柔常熟人與

文震孟倪元璐同年友善正誼相勗溫體仁惡之

阻其入閣摘其舊撰高攀龍詰語降調之朝論共

憤至是吏禮部為請命照四品例全給

二十九癸未論吏部郝明徵原非行賄淮復原官

明季南畧卷之一 五

三十甲申張作楫提督四夷館 張孫振追劾吳牲

鄭三俊劉宗周郝彭佳

十一月紀

初一乙酉朔予李邦華王章蔭錦衣世官 周藩安

鄉玉居無錫

初二丙戌蔡奕琛吏部左侍郎

初四戊子西宮舊圍落成賜名慈禧殿 桂王薨諡

日端 著候勘黃澍回籍

初五己丑鳳陽皇陵災松柏俱燼 陳潛夫私自回

籍著按撫察之 御史何綸按淮

初六庚寅越其傑赴任河南有旨慰之 行人莊則

敬自言曾事福恭王命與考選 命文武官俸盡

支本色 命開屯海中玉環等山 太監韓贊周

請西洋大砲 命唐庶人聿鍵居廣西平樂

初七辛卯常應俊荐許定國實心恢復著鑄印給之

命生員納銀充貢 總兵官邱磊有罪下獄死

初八壬辰吉貞王子慈燿嗣封 寄流寓諸生于淮

安府學 總兵馬進忠鎮荊州

明季南畧 卷之一

三

初九癸巳設起居注六員輪珥筆以記實事 駙馬

齊贊元稱頌劉孔昭翼戴有功賞不足酬著吏禮

部再議 王驥爲太僕卿 居遼王于海甯

初十甲午改太僕寺署于南都 居祁陽王于邵武

陸朗言徐石麟以巧詐文其貪劉宗周以迂腐託

于正必有真才真品者如王驥鄭渝畀以節鉞當

無多讓 左良玉奏承德將士餓死

十一乙未夜端門外火

大清兵破海州八宿遷山東及豐沛盡降

十二丙申琉球世子尙賢八貢告奠。命鄭鴻逵節

制京口至海門。

十三丁酉右僉都郭維經懇辭職。內旨責其欺卸。

應天府祁彪佳罷。

十四戊戌大理卿鄭瑄罷。獎高起潛冒險來歸。出

義可嘉。

十五己亥起朱繼祚少詹事。劉澤清請安流。寓青

矜。以便科舉。工科李某爲降賊被殺。諸臣顧鉉

彭瑄李逢申請卹。鄭芝龍奏黔兵萬里荷戈三

明季南畧卷之一

三

月缺餉。上切責兵部。

十六庚子陞李永茂巡撫南贛。屈勳補吏科給事

中。戶科羅萬象以回奏掩飾。罰俸一年。

十七辛丑。追論江右功。解學龍世襲錦衣千戶。奉

先殿上樑。沈廷揚加光祿少卿。宋劼李猶龍

太僕少卿。周藩臨汝王寓武進。孫維城襲懷

甯侯。子故舉人歸子慕張世偉。顧雲鴻

等翰林待詔。給浙江總兵王之仁鎮倭將軍印

十八壬寅。陳潛去奏張縉彥陟。駟南渡。著安插河南。

不必入覲

十九癸卯兵科戴英自辨被謗情由

二十甲辰曹勳禮部侍郎管翰林院沈延嘉劉同升
陳之遴劉正宗各轉坊官 贈故山東巡按宋學
洙大理卿學洙潛家二年始故馬士英奏其殉難
因得卹贈 西鄂王寓甯國 諭蘇撫大畧山屯
田 吏科張某言臣鄉來者言賊久踞平陽人亡
過半 吏科抄叅安遠侯柳祚昌所薦程士達富
豪蠢豎非可與舉貢同例

明季南畧

卷之一

三

二十一乙巳魯王移居台州 戒宗室換授

二十二丙午李沾請分臺員從逆真在 潁州生員

盧鴻上七政歷

二十三丁未長至節上受朝賀 張鳳翔兵部尙書

巡撫蘇松四府盧若騰巡撫鳳陽 申紹芳言江

北需餉急命戶部于附近府州縣措二十萬付之

劉洪起加總兵銜 淮安地震

二十四戊申劉孔昭以定策功進封侯爵不受特旨

獎之 獎阮大鍼役民脩築敵臺 諭吏部王孫

蕃與李沾定策同事有勞一体優叙 諭兵部敕
方監紀倖濫俱不准 諭禮部求恩濫予可厭宗
室呼籲難憑宜慎辨之

二十五己酉馬士英請權酒助餉下部行之 九江
總兵黃斌卿偵知左良玉難制請改駐皖池從之
二十六庚戌黃斌卿改駐安慶命許定國鎮守開封
與王之綱洽勦 高傑請籍沒周延儒財產諭不
忍

二十七辛亥命王永吉議塞汴口 吳希哲補工科

明季南畧 卷之一

三

曾倜補山東道 王國賓光祿卿 黃昇請牛
種興屯 楊人驄請金山圖山建城從之

二十九癸丑命馬士英大閱

三十甲寅起楊公翰太僕卿馬鳴寔湖廣叅議 汀
州分守夏尙綱進萬金助餉有旨以道臣而捐萬
金操守可知玩寇猖獗貽禍地方著革職提問
自五月不雨至于是月

十二月紀

初一己卯朔加練國事兵部尙書白貽清太子太保

御史沈向巡撫湖廣 命荆王駐九江

初二丙辰琉球使臣金應元入朝

初三丁巳馬士英奏劉孔昭寔心定策。劉澤清張文

光密議效忠命二劉進侯爵文光加宮銜 劉澤

清奏請禁巡按訪拏奸黨。

初四戊午錄國初功臣馮國用馮勝各世襲指揮

初五己未加劉承胤右都督 馬士英保薦胡國貞

等悉加總兵銜。

初六庚申凌駟交納偽憑偽契

明季南畧

卷之一

五

大清兵圍邳州凡三日

初七辛酉凌駟寔授御史 命何騰蛟以兵部侍郎

總督川湖雲貴廣西召楊鶉回部 安遠侯柳祚

昌自言定策功高斥之 以巢湖民船爲保甲。

初八壬戌高傑薦舊臣黃道周黃志道解學龍劉同

升趙上春章正宸爲衆正吳牲鄭三俊爲萬世瞻

叩金光宸能開元妾採無愧社稷臣金聲沈正宗

夙儲經濟

初九癸亥吳國華右諭德 刑部奏偏沅撫陳崧冒謬

失守封疆事著助三萬金收贖。定勇衛營萬五
半人。諭太監高起潛。閣臣已在河上。爾駐浦口
無事。便於提調。有事相機應接。

初十甲子命大監盧九德丈量蘆洲升課。許桂王

妃王氏扶王柩回衡。

大清兵入河南府總兵李際遇降。

十一乙丑齊藩宗長知盛等請換授官不許。

十二丙寅吏科張某奏督撫所薦司道推知貢監生

員巧詐畢現。無非騙官。有旨命嚴覈叅處。

明季南畧卷之一

三

十三丁卯馬士英以定策功加張文光太常少卿。又

以尹伸顧光祖添註少卿。又奏沽酒之家每酌定

稅一文。

十四戊辰李希沆添設兵部右侍郎。高斗樞巡撫

湖廣。樊阮大鉞築鴨磯堡之勞。監軍朱劼請

採礦銅陵。史可法奏請鑄彈三萬觔。生鍊十三

萬觔。銅甲葉五百副。命部給之。又薦舉人韓詩等

十五己巳通政使楊維垣言三朝要典爲黨人所燬。

命禮部購付史館。陳洪範北使還左懋第不屈。

破執馬紹瑜畱和議不成。行稅法。顛僧大悲至京自稱齊王。又稱潞王。下鎮撫司鞫訊。

十六庚午。丁啓睿加太子太保。丁魁楚進兵部尚書。贈李邦華太保。

十八壬申。進馬士英少師。義陽王居大倉。尚書

黃道周。太常卿葛寅亮。尚寶丞鄒之麟。見朝。命

王永吉防河北。張縉彥防河南。分許定國王之綱。信地。

十九癸酉。陳燕翼吏科右錢增兵。左。舊閣臣錢

明季南畧。卷之一。三

士升加太子太保。蔭孫燾中書舍人。諭都督牟

文綬鼓銳先赴施州。

二十一乙亥。允部議詔封于謙臨安伯。遣太僕主簿陳濟生致祭。

二十三丁丑。命治舊順天撫陳祖芑失城之罪。開

文武職官誥命事例。

大清兵自孟津渡河。命高傑進屯歸德以備之。

二十四戊寅。張縉彥分請將王之綱等防河。巡撫

陳潛夫獲太康偽知縣安中外等副將劉鉉郭從

寬等殺賊六百餘級擒鄂陵僞知縣王度許州僞
巡捕王法唐總兵王之綱斬賊都司虞世傑總兵
劉洪起獲汝甯府僞官祝永苞上海僞知縣馮世
遇斬三百七十級又于襄城斬賊二千二百七十
六級擒賊二百三十一名總兵許定國獲陳州僞
官惠在公等各加級以洪起斬獲獨多仍加工級
二十五己卯念郎陽孤危固守加徐起元兵部侍郎
高斗樞副都御史朱翊辦京堂缺用 唐庶人聿
鍵求復王爵不允命居廣東之平樂

明季南畧

卷之一

三

二十六庚辰命婦八賀 復姚思江王永吉原官倪

嘉慶刑科右

二十七辛巳駙馬齊贊元掌宗人

二十八壬午瞿式耜巡撫廣西馬乾巡撫四川 搜

取甯波洹課七千兩

二十九癸未布衣何光顯上書乞誅馬士英劉孔昭

詔戮于市籍其家

三十甲申太監孫象賢孫珍世錦衣僉事 吏科抄

叅逆案陳爾翼頌璫有內外諸臣心璫心之語轟

慎行久挂吏議。內計處分楊屯昇亦係察處之人。
近皆瀆起抄出議之。賈登聯四川總兵。禁泗
六儷文。

明季南夏

卷一

三

六儷文

明季南夏
卷一
三

明季南畧卷之二

錫山計六奇用賓編輯

正月紀

大清順治二年

乙酉宏光元年正月初一乙酉朔。上御殿受朝賀。

初六庚寅。加史可法太師。馬士英少師。王鐸少保。子

蔭。以士英掌文淵閣印。充首輔辦事。可法辭太師

許之。

初八壬辰。流星入紫微垣。方允元楊兆升為吏兵

明季南畧卷之三

一

科。馮志京張茂梧袁宏勳周冒晉補御史。余颺為

稽勳員外郎。史可法奏薦贊畫劉湘客。又奏擇

將守邳。馬士英奏撰張捷盧九德勅。又奏除

祿官九十五員。阮大鍼報沿江築堡。上嘉之。

又請黃蜚杜宏域聯絡水路。劉澤清請添水兵。

制丹陽陸路視良鄉例給郵符

初九癸巳。監軍衛胤文奏已冒雪抵徐。吏侍郎陳

盟奏川事潰裂。費撫李若星奏川賊勢甚猖獗。

贛撫李永茂奏寇擾汀州。鍾斗添註太常少卿。

郭如閻方士亮補戶刑科進麗江土知府木增太僕卿總兵劉洪起擊賊于襄城俘斬五百餘人馬士英請錫陸猷明撫黔功予蔭子入監御史沈某請舉郊祀命侯之命黃得功劉良佐進屯潁毫受命不行高傑提兵直抵關雒進據虎牢運司解銀萬兩渡江爲鎮江都督鄭彩截雷詔諭彩勿壇

初十甲午脩奉先殿及午門左右掖門鄒之麟爲

應天府丞四川叅議耿庭錄改遵義監軍御

明季南畧卷之二

二

史凌駒巡按河南給吏部空札三十張兵部空札一百以待矢義南歸者戶部尙書張有譽奏江北各藩新舊兵餉額本有定今所增萬不能支令督輔議察工部請截御前料價以供楚餉上不許侍郎何楷定各鎮鼓鑄太監高起潛言邊將不宜內轉又請銀市馬命給太僕寺銀五萬兩十一乙未馬士英奏楊御蕃五載戰功著進左都督及馬進忠王允成並加太子太保晉衆臣迎駕之勞補指揮千戶等官命各府推官稽察官役冒工

料 允刑科鍾某言凡監紀等官猾棍白丁借頭募府騙錢者悉行驅逐 許定國誘殺興平伯高傑于睢州。

十二丙申高允滋補御史 安撫黃某薦廢籍官李喬等 御史游有倫極言朝臣鎮將背公植黨

部院劇分請馬士英飲酒 刑部尙書解學龍奏從逆六案以登極初停刑。

十三丁酉戶科陸某請覈學田輸穀裕國從之 河南副將郭從寬縛長葛縣偽令來獻。

明季南畧卷之二

十四戊戌葉廷秀添注光祿少卿 戶部尙書張有

譽言舊制錢糧各處必解部派發於外宜著為令從之 禁宗室入京朝見 太監高起潛請佃丹

陽練湖可歲得五萬金從之又奏浦口增建墩臺著工部估價鳩工 太監韓贊周告退獎其定策

大功不允辭 田仰奏敘效勞將領 凌駟請早定恢復大計命專昇劉澤清王永吉 太監孫某

劾奏鹽臣李挺欠銀二十六萬不許其報竣 十五己亥劉澤清報年終措餉給兵温冒獎其忠義。

又允行間事不中制。蔡秋卿廣東海北道。楊振宗奏皖兵缺餉。

十六庚子錢增爲刑科。松江知府陳亨爲四府兵道。張有譽酌定白糧。每石折價一兩三錢。

十七辛丑吏部侍郎蔡奕琛兼東閣大學士入閣辦事。

十八壬寅左良玉請留撫臣何騰蛟有旨五省總督之設不惟恢復荆襄。且以接應巴蜀騰蛟俟高斗樞到任方行移鎮。

明季南畧

卷之二

四

十九癸卯劉孔昭請革內地監紀并次武弁。又言未嘗到王孫蕃榻前商量定策。孫蕃前奏欺妄大爲無耻。劉憲章聞變遁逃。自當與余日新同議。貢生韓詩予職方主事。工科李清辨其祖思誠誤入魏黨逆案。命下部議。申紹芳爲祖特行陳當年回護官闈舊情。有旨慰勉。真人張應京入朝。史可程自北庭南奔。

二十甲辰馬思理添註左通政。張時暢尙寶司丞。主事李爾育奉旨宣諭。劉洪起李際遇二人俱無

見遇張縉彦卽至睢陽而回。命刪定三朝要
典。朱國弼張孫振劾解學龍。

二十一乙巳。廕故山東巡撫陳應元子入監。郎中
趙明鐸爲雲南提學。黎永慶爲貴州提學。賜侍
郎阮大鍼駢服。雪推官周之夔罪。諭吏部鄒
之麟清脩自守著起用。諭刑部朱一馮身爲大
臣多藏厚亡大喪縉紳之體。其入官七萬外田宅
所值幾何。九千六百畝之外有無餘產。察明奪
解學龍職。

明季南畧

卷之二

五

二十二丙午。起唐世濟左都御史。管右都事。葛寅

亮爲大理卿。戴英爲兵科左。廕故輔丁紹軾

子入監。吏侍郎陳盟辭任太平推官。胡爾愷鞫罪

有旨。壬午南闈關節濫行。縉紳子弟幾千半榜公

議沸騰。何止周正儀一人。爾愷已經薄處。姑不究

二十三丁未。劉孔昭請汰多官。尙寶丞耿奉光辨

父如杞勤王之禍。上念其耆倡可憐。下部察

二十四戊申。安遠侯柳祚昌廕子入監。尙書黃道

周侍郎梁雲構到任。兵科王之晉奏南陽爲賊所

踞家鄉難歸

二十五己酉御史黃耳鼎兼巡上下江。上林監丞

賀儒脩論管紹甯貪髻陰奸。詔不問議脩徐州城

二十六庚戌劉應賓太常卿。王夢陽浙江按察使

文士昂雲南布政使。趙之龍言章服違制上

是之。令武臣自公侯伯而下。非賜肩輿並遵騎馬

坐蟒斗牛非奉賜麒麟白澤非勛爵不許借用。

御史劉光斗請鑒別大臣。詔衰頽庸鈍者自行引

退。

明季南畧卷之二

六

二十七辛亥戎政張國維給假歸李希沆代署。前

叅政陳堯言嘗任待詔侍福恭王有舊勞下部寢

之。先貴陽楊師孔與陳同侍。竟得禮部侍郎蓋馬

士英戚也。加衛胤文兵部右侍郎總督興平標

下鎮將。經畧開歸防勦事務。

二十八壬子廕徐大綏子入監。吳希哲爲工科贈

邱禾嘉左副都御史。馮任右都御史各廕。子入

監。

二月紀

初一甲寅朔命于嘉興紹興二府選淑女

初二乙卯時東川侯勳衛胡家奴作橫兵部言東川

久已革襲又戚畹向無勳衛草創濫冒命清釐之

覈北京錦衣衛官南奔實跡不許輕題 詹社

鏘太倉衛百戶袁繼成報鄖鎮重圍 刑科梁某

奏全蜀已無完土

初三丙辰王驥右副都御史巡撫湖廣 李清添註

大理丞徐復陽御史 甘惟潔邢大忠雲南賓東

各按察使 譚振舉蘇松糧儲道田有年貴州驛

甲子南畧卷之二

七

傳道嚴究司庫侵欺 諡桂王曰端 高起潛請

開納銀贖罪之例上以納銀免死則富豪墨吏何

所不至流罪以下或可贖下部酌議

初四丁巳太監王肇基條奏京城購捕方畧 錢繼

登周端豹各添注尙書少卿陸懷玉福建按察使

胡世宗自稱越公八世孫求附勳衛

初五戊午詹故輔朱國祚子入監 贈許士柔詹事

兼侍讀學士詹子入監 行人朱統纘許御史周

燊命勿究 工科吳某薦起被察官李永昌周之

夔 安廬撫程某奏獲假弁王夢旭自稱藩府都
司搶掠民商。尋及關吏。又有銅陵縣盜大船。牌額
上寫天子一家。

初六己未阮大鍼陞兵部尚書協理部事。仍管巡閱
江防。高倬刑部尚書吏部陳盟改左侍郎。王志道
右侍郎。吳本泰添註尚寶丞。關守箴廣西布政
使。調浙江巡按彭遇颺于淮揚。以淮揚按何綸
移浙遇颺。癸未進士。避亂南渡。首附馬士英。誣說
蠶湧遂授職方主事。改御史。身任募兵十萬。或問

御季南畧

卷之二

八

餉安出口搜括可辦也。纔抵任。卽移家入杭。縱強
奴掠市錢。撫臣張秉貞以問。士英以遇颺邊才調
用。有上書言開化德興有雲霧山。爲先朝封禁
開之可以助國。命太監李國輔會同無按勘視。

初七庚申。贈馮垣登太僕少卿。鄒逢吉太僕丞。李
長春添注太僕少卿。太監孫元德覈報蘇州七
年欠餉七十四萬兩。金花銀七萬兩。

初八辛酉。朱國弼請核勳臣世系。無容倖襲。命飭之
天啓崇禎之際。冒襲最多。惟有力者得之。如王先

通以王守仁異母弟之後劉孔昭之父蓋臣係劉
尚忠出婢外生之子竟自奪嫡莫之敢問。顧元
鏡爲廣東嶺西道孫時偉浙江驛傳道。遺戶科
倪嘉慶中書胡承善掣鹽于瓜儀加鹽課每引五
分

初九壬戌杭州機匠疏稱舊無潘汝楨蒼澤難忘

建逆祠係前任事上以會稿甚明不允蓋汝楨事
久有言其誤者

初十癸亥馬士英以京師水陸各營襍務令迺小印

明季南畧

卷之二

九

號色分別 高起潛奏分汛築臺事宜 點用雲

南貴州試差徐復儀林志遠等

十一甲子兵科戴英論陳洪範所請敘錄從行員役
有何勞績濫予非宜。上是之。太常卿張元始請

虔祀社稷。陸康稷改文選郎中。加沈廷揚叅

議。官繼闕曹廷廣東江西副使。葉紹鵬太僕

卿。考選林有本沈應昌張利民韓接祖錢源徐

方來莊則敬爲給事中。王錫衮劉襄夏維虞郝錦

王大捷異十臣張兆熊王養郭貞一爲御史。諡

思宗皇太子曰獻愍定王曰哀永王曰悼

十二乙丑上始御經筵阮大鍼請江上築堡助工

命張亮程世昌嚴督州縣經營中書陳瓌自陳

擁護有勞願與考選不許故巡撫蔡懋德之子

爲父求卹內批懋德縱賊渡河一死何贖不九

戶部言兵餉日增有旨各督折兵十八萬一切舊

兵應併銷入數內都督楊振宗請裁見糜各餉

以供鼓鑪太監高起潛請餉著于浙閩增派二

十萬孫元德催解軍前餉史可法請用高傑

明季南畧卷之二

部將李本深爲提督不許遣黃道周祭告禹陵

張孫振奏劾禮部尙書顧錫時

十三丙寅靖江王亨嘉表賀登極因奏金永連三州

皆爲土賊所踞撫按匿不以聞兵部右侍郎徐人

龍罷論祭兵部尙書張希武命于蘇州織造

大婚冠服

十四丁卯諭都督牟文綬久任江上大肆騷擾戶部

所欠之餉何不速發坐視流毒卽徵鹽抵補催兵

起行御史鄭瑜劾前總督朱大典侵贓百萬上

謂大典創立軍府所養士馬豈容枵腹歲餉幾何
不必妄許。命袁劣在京諸臣俱著自陳。賜罪
誅內官劉元斌王裕茂祭葬。廢子錦衣衛指揮使
舊府厨役各授百戶。姚恩孝沈亂培大理左
石少卿。廕方孝孺裔孫樹節五經博士。撤高
傑部兵回。遣太監高起潛安撫興平營將士。駐
揚州。

十五戊辰。史可法奏擒賊臣程維孔。又奏左懋第抗
節。

明季南畧

卷之二

十一

十六己巳。諭部捐助原聽民樂輸抄沒。乃朝廷偶行
豈刁民猷媚報仇之事。宗藩勳戚武臣。須敬禮土
夫。與地方相安。不得聽奸人撥置。非法罔利。李
嗣京御史。

十七庚午。諭吏部吏貪民困。全由撫按婪賄。林塾李
仲熊互訐事情。延閣已經十月。虛實應與立剖。何
必復行外勘。以滋延卸。子罪譴尙書劉榮嗣昭
雪。子蘇松殉節王鍾彥。宋文顯。施溥。祭塋。太
常卿張元始。請改鑿考諡號。

十八辛未馬士英請免朱一馮籍產。逆案楊維垣起用。補通政使。獎盧九德營糧就緒。

十九壬申蔡奕琛進尙書文淵閣。起朱大典吳光義易應昌戶兵工部各左侍郎。陳洪諡太僕少卿。

侍郎錢謙益請卽家開局脩史。不允。獎劉廷元保全慈孝有功特予優卹。王驥鸞聞滇信辭任。不許。

二十癸酉令劉良佐駐歸德。馬士英請禡中書唐

允甲。李維樞爲兵科。存問大學士錢士升。

明季南畧卷之二

兵部侍郎練國事罷。張亮請立鹽稅局于皖城。不允。

二十一甲戌改諡先帝毅宗烈皇帝。王鐸六請告

歸。

二十二乙亥諭阮大鍼江上好人出沒。亂兵縱橫以致商旅梗塞。不可不嚴備。太監孫元德搜覈常

州府久欠金花銀九萬五千。積欠三餉至三十三萬。命勒限嚴征。

二十三丙子衛胤文奏柳城土寨金高自築土城。集

勇壯不受偽官乞授何措進錢式命葛含馨老功
郎陳瑞大理寺副以副總兵職以六劾四兩
為筆

二十四丁丑張永志襲惠安伯來方焯添註太僕
少卿吳迺兵科石更科馬嘉植轉領西道御史
沈荃蘇松兵備道御史高允茲湖南道文選主事
余颺廣東水利道戶科熊維典奏四府逋欠三
年內三百三十一萬八千五百皆屬應徵又已徵
不解九十五萬六千有奇又奏正項輒借支贖

明季南畧

卷之二

三

鏹侵那弊藪至批詳纔下提差已至撫按身先不
法等語又戶科王某奏守令失職賦額不清飛
派朦朧火耗太虐袁宏勳疏攻袁繼咸左良玉敕
之并言要典宜焚論解之

二十五戊寅貴督李若星奏以兵勤王諭止如已到
常德卽雷隸何騰蛟戶科熊維典察覈嘉定漕
折胥吏侵匿至五萬兩管紹甯于寓所失去部
印李自成走承天

二十六己卯奉安御容于武英殿吏部恭報翦除

羣賊加馬士英太保王鐸少傅

二十七庚辰朱國弼請治郭維經庇逆 盧力德等

九員加級

二十八辛巳太興伯鄒存義請加提舉公署

二十九壬午馬士英殉管紹甯之私請更鑄各衙門

印去南京字其舊印悉令繳入 進都督趙民懷

太子太保蔭子世錦衣百戶 陸明吳希哲爲戶

工科左 劉孔昭請益操江書役俸糧 吳希哲

奏都城五方雜處股宗冒戚僞助奸弁橫行下道

明季南畧 卷之二

十四

虐民戾商有旨嚴編

三十癸未起熊化太僕少卿水佳亂尙寶司丞皆添

注 僧大悲伏誅 李向中嘉湖道 馮臚少卿

高夢箕密奏先帝皇太子自北來遣內臣蹤蹟之

三月紀

初一甲申朔上受朝賀始御日講 命高起潛安撫

揚州 御史徐復陽訐吏部以文德翼夏允彝匿

衷陸補上切責之 刑部郎中申繼揆請嚴責左

光先杭題 內臣自杭州送北來太子至京駐輿

善寺夜移至錦衣衛都督同知馮可京邸

視太學士王鐸叱爲假嚴究主使自供王之明旋
下中城兵馬司獄

初二乙酉御史袁某請起罪廢諸人諭史堃陳啟新

張文郁不淮福府舊役乞恩者百餘人吏科

張希夏陞太常少卿

初三丙戌錢謙益進官保兼翰林學士陳燕翼楊兆
升爲禮工科右

初四丁亥吏部尙書張捷奏故輔溫體仁清忠謹恪

明季南畧卷之二

五

富復文忠之謚顧錫疇以私憾議削文震孟宜改
謚上命溫允復文免議

初五戊子命太監喬上總理兩淮鹽課嚴察兵馬糧
餉李自成逼承天左良玉遣使告急命督臣何
騰蛟等禦之

大清兵取郟城又取西平

初八辛卯劉澤深自陳棄家南奔子註鴻臚卿右
都唐世濟到

大清兵取上蔡

初九壬辰馬士英自剖誅盜程繼孔之功又奏李天培等各錦衣指揮世襲耿廷蘇巡撫四川朱之臣添註兵部左侍郎劉應賓通政使吳希哲吏科都汝甯鎮將劉洪起以無餉撤兵還楚工科楊兆升奏江南有司既徵本色在倉不肯還民又徵漕折命百官會審王之明高夢箕穆虎于午門外藩邸元妃童氏在河南自東劉良佐送至京上怒目爲妖婦下錦衣衛獄李自成兵寇潛江

明季南畧卷之二

十六

初十癸巳禮部請卹甲申殉難諸臣有旨閣部大臣謀國無能致茲顛覆雖殉節堪憐贈卹已渥先帝斬焉不永諸臣延世加恩臣諒何安通著另議

劉理順成德准廕子入監戶部尙書張有譽請于文武廩祿外各加公費不許加鄭芝龍太子太保其弟及將士二千人各陞授御史郝某奏各鎮分隊於村落打糧劉澤清尤狠掃蕩民舍幾盡又奏官買私賂量出剩餘助公以佐民急時買官者大縣多至二十餘家少亦有數家然止兩

殿中書及改貢各有事例其職方待詔監納道蔭起廢皆向權門投納故郝言之錦衣衛請添旂役遙祭諸陵

十一甲午李守貞蔭都督同知停八九品官移封

及援納待詔等官

十二乙未史可法自劾師久無功馬士英請廢內

官三人各錦衣千戶世襲阮大鍼薦馬錫充總

兵仍遊京營錫即王英長子以白衣徑仕左懋

第抗節死左僉都郭維經告病去江中遭寇甚

明季南畧卷之二 七

慘人皆惜之或云阮大鍼密遣兵劫之也

十三丙申廬撫張亮飛報闖賊分股南來求解職放

歸賀世壽曹勳回籍

十四丁酉起罪廢陳於鼎掌翰林院張捷奏嘉靖

間侍郎瞿景淳補蔭李若星加一品服李乾德

加一級于元燁八人紀錄李希沆兵部左侍郎

戶部張有譽奉鄭兵三千先解五萬兩運至九江

交袁繼成送去又奏浙省銀十二萬閩省銀八

萬解至高起潛軍前開銷

十五戊戌復會審太子

十六己亥徙崇王居福州 命黃得功移鎮廬州與

劉良佐合力防禦

十九壬寅思宗忌辰上于宮中舉哀百官于太平門

外設壇遙祭以東宮二王附

三十癸卯命三法司覆審太子燬黃得功疏以絕奸

謀

二十一甲辰封黃九鼎雒中伯其弟金鼎都督同知

許定國前哨抵歸德王之綱屯宿州

明季南畧

卷之二

六

二十二乙巳黔將包琳爲其下所殺 黃希憲以擅

棄封疆逮戍

大清豫王從河南下是日取歸德巡按御史凌嗣及其

子潤生死之

二十三丙午朱大典尙書提督江上 兵科戴英訟

故罪輔薛國觀之寃株累葉有聲林棟諸臣上是

之下部議覆 許定國降

大清封平南侯 張天福請於史可法回場安頓家口

畱防之兵遂離象山幾至瓦解 罷安慶巡撫

二十四丁未方國安佩鎮南將軍印 張有譽酌議

賣官贖罪納銀事例

二十五戊申左良玉舉兵以奉太子密旨誅奸臣馬士英爲名焚武昌東下

二十六己酉劉良佐奏荊州夫昭 錢維登僉都御史總理兩淮鹽法 贈故興平伯高傑太子太保 蔭一子錦衣百戶

二十七庚戌登萊巡撫王灤繳納印勅

大清兵向徐州總兵李成棟登舟南遁

明季南畧 卷之二

九

二十八辛亥贈故輔李標少傅王國賓太常少卿提督四夷館

二十九壬子進李本深太子少保左都督 廕左良玉世錦衣指揮使

大清兵取潁州太和劉良佐檄各路兵防壽州

四月紀

初一癸丑朔頒各官新印 王永吉報

大清兵已過河自歸德以達象山共八百里無一兵防揚泗邳徐勢同鼎沸命史可法馳扼徐泗 黔兵

殺掠徽境。徵人汪爵率衆禦之。殺其兇者數人。詔擒爵抵罪。御史黃耳鼎請赦不允。詹有恒混入宮門。穢言辱罵。著杖一百。

初二甲寅。罷練河屯兵。太監高起潛。湖撫何騰蛟。請解任不允。

初三乙卯。馬士英告退。慰留之。

初四丙辰。遣內官守十三門。禁各官家眷不許出京城。徐元爵嗣魏公。惠安伯張養志論。選郎陸

康稷貪污。詔勿問。御史畢十臣言。孟夏享太廟。

明季南畧

卷之二

二十

文武班陪祀。寥寥命戒其後。左良玉兵陷九江。府尋死。其子夢庚自稱雷後命。阮大鍼劉孔昭率師出禦。

初五丁巳。左夢庚兵陷建德。追恤三案諸臣。劉廷元等二十人。並復原官。仍各蔭。贈有差。

初六戊午。左夢庚兵陷彭澤。梁雲構李喬皆兵部右侍郎。遣前巡撫陳潛夫于家。

初七己未。左夢庚兵陷東流。京師戒嚴。以公侯分守長安等門。及都城十三門。徵靖南黃昌東平三鎮。

兵入衛命史可法至江北調度 祁逢吉總督倉
場侍郎王驥加侍郎仍巡撫周宗文光祿少卿劉
呈瑞御史 兵科錢某奏警報日至劉澤清劉良
佐退兵近郊 鎮兵避

大清南遷古奪民房民物

初八庚申馬士英自出五十金委黃金種招募健卒
卽以同知補用馬士英薦白衣李毓新知兵卽補
職方主事 衛胤文以緊急辭任

初九辛酉決從逆賊臣光時亨周鍾武愾于市周鏞
明季南畧 卷之二 三

雷演祥勒令自盡餘盡革職放還 路振飛自明
守淮有功朱國弼復論之有旨慰國弼責振飛
王時敏起太常少卿 李沾請聽民搬運柴米入

京

大清兵自歸德分道一趨亳州一趨碭山徐州總兵李

成棟奔揚州

初十壬戌御史何某請禁四六文章坊間社草 封

常澄爲襄王命居汀州 都督黃斌等與左兵戰
于銅陵之灰河敗之明日復沈其船三千艘命勞

諸將銀幣

十一癸亥馬士英奏

大清兵與西寇並急請征皖餉 戶部奏催各府兵練

餉

十二甲子戶部請催徽寧等府預征來年之銀 劉

澤清陳文武考察舊例不許借題羅織驅除異己

十三皇親黃九鼎言皇親滿街作橫請查核之

十三乙丑左夢庚陷安慶

大清兵取泗州

明季南畧卷之二

三

十四丙寅

大清兵渡淮史可法退保揚州劉良佐提兵入衛

十五丁卯太監屈尙忠奏催大禮措辦著部火速那

借馬士英言開洋之船每隻或二百三百金設

太監給批放行于崇明等處起稅如臨清關例

選淑女于元暉殿 潞王在杭州上書請辟靜一

郡

十八庚午王永吉改總河兼督淮安鳳廬錢繼登兼

撫揚州田仰撤回另用衛胤文事定再定議 浙

按柯倫束裝赴任著門軍放行 太僕丞張如憲
丁憲著畱其携貲充餉 左夢庚兵至池州詔梟
其玉罪狀

十九辛未

大清兵圍揚州 范鳳翌光祿少卿黃國琦試兵科。

御史劉某奏緝奸嚴密丁役四出擾害 命申紹
芳親至浙直催餉 德清縣大荒之後一縣民逃
亡殆盡實徵銀三萬三千兩著有司那借

二十壬申命叅政馬鳴寔駐江陰副使印司奇往京
明季南畧 卷之二 三

揚文總專監鎮軍凡逃軍南渡用砲打回不許過
江一步 王永吉奏棄徐萬分可惜乞勅劉澤清
固守淮安勿託勒王殘鎮 命差風力科臣督催
江南賦役全書 令廩生輸銀准貢 高起潛言
闖賊屋後我兵擊前左黨窮蹙自當授首不煩過
慮 前山東提學翁鴻業之子求父喪歸下部察
議國亡後鴻業尙存踰年乃歿

二十一癸酉劉澤清大掠淮安席捲輜重西奔
二十二甲戌劉澤清南奔

大清兵渡淮

二十五丁丑

大清兵攻陷揚州。督師史可法死之。知府任民育。知縣周志畏等不屈死。總兵劉肇基戰死。原任兵部侍郎張伯鯨。都督兵部右侍郎衛胤文。監紀主事何剛。先後殉難。

五月紀

初一壬午朔。進封黃得功爲靖國公。世勳諸將陞。賸有差。李彬爲僉都御史。巡撫河南。

明季南畧

卷之二

五

初二癸未。移惠王於嘉興。遣京營兵二百迎黃得功。移守板子磯。得功擊左兵于板子磯。敗之。

大清兵駐瓜州

初五丙戌。百官進賀。上不視朝。以串戲無服也。

初六丁亥。午後馬士英入大內。與韓贊周。盧九德。二監商議。傳令各門下閘。辰開申閉。劉澤清率兵至浦口。分蘇松常鎮爲二巡撫。楊文總僉都御史。巡撫常鎮二府。兼轄揚州沿海等處軍務。

初七戊子。集百官清議堂議事。預坐者十六人。馬士

英王鐸蔡奕琛陳干鼎張捷陳監張有譽錢謙益
李喬李沾唐世濟楊維垣秦鏞張孫振錢增趙之
龍各竊竊偶語百官皆不與聞臨散李喬唐世濟
齊聲相和曰便降志辱身也說不得了。後有叩諸
大僚者皆云

大清信雖急如今不妨了蓋密議藉之龍納欵于

大清也是日晝晦大風猛兩人心洶洶

初九庚寅

大清豫王渡江。援師悉潰楊文驄走蘇州。鄭鴻逵走福

明季再舉 卷之二

建

三

初十辛卯。閉京師各城門。二鼓後上奉太后。妃與

內官四五十人。從通濟門走出。劉孔昭斬關道

上如黃得功營。旋如蕪湖。命揚州府同知李繼晟

巡撫安慶。命阮大鍼朱大典督師

十一壬辰。馬士英奔浙。京城潰亂。兵民擁立王之明

十五丙申

大清豫王入城。趙之龍。錢謙益等盡率諸勳戚文武出

降之。龍並捧王之明至營。南都亡

十六丁酉豫王受百官朝賀

十七戊戌劉澤清自浦口掠舟東遁入海。

二十二癸卯豫王令建史可法祠優恤其

劉良

佐引兵追上靖國公黃得功死之。

二十四乙巳劉良佐挾上至南京

二十五丙午上拜豫王令拘于江甯縣與太后一妃
同處秋九月北去。

明季南畧

卷之二

美

10478

